



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

§. 3. Qualitas in genere Recentis Italiae.

urn:nbn:de:hbz:466:1-13120

Boiohæmi hanc vocem detorserunt *Vlaskazema*: suspicantur quidam olim à Slavis dictam esse *Vloska*, quod ex vocibus Polonicâ, & Bohæmicâ colligunt; certè hodie à loquentibus Slavicè nuncupatur *Laska-deshela*: à Turcis & Græcis eius incolæ Latini dicuntur, à quibus Dalmatæ & Croatæ hanc regionem *Latinska Zemlya*, seu *Zemgla* vocare didicerunt.

§. 2. *Quantitas Italiae iuxta recentiores.*

PHILIPPVS Cluverius in Italiae descriptione sicut in aliis rebus accuratissimus, longitudinem Italiae dire&issimo cursu consideraram ait vix octingenta millia complere, per Neapolim inflexo cursu, haud minùs nongentis Pas. Mil. *Latitudinem* autem excurrentem per Saonam, Augustam Taurinorum, Comum, Veronam, Vicentiam, Opitergium, Aquileiam, Tergestem, Polam & Arsiam Fl. est 151. Mil. per summas Alpes 15000. Mil. Pas. *Ambitum* denique seu *circuitum* ter mille trecentorum milliarium.

Vbi & notat variè loqui in hac parte etiam Italos ipsos, ob diversitatem mensuræ, quæ vbique non est eadem.

Si verò Geographicè loqui voles, Italiae *maxima Longitudo* procurrat ab Augustâ Prætoriâ ad Pro. *Spariunto*, & continet 12. totos gradus maioris circuli, ac proinde 720. Mil. Pas. Leucas nostrates 360. Germanicas 180.

Latitudo autem maxima à Populonio Prom. ad Pontebam Venetam 4. graduum est cum 38. minutis, ideòque 278. Mil. Pas. Franc. leuc. 139. Germ. 69. cum dimidia. *Minima verò latitudo* ab ostio Vulturni ad Termolam in Capitanatâ vnius gradus cum decem minutis, hoc est 70. Mil. Franc. leucarum 35. Germ. 17. $\frac{1}{2}$.

§. 3. *Qualitas in genere recentis Italiae.*

CÆLVM Italicum vbique temperatissimum est, si excipias regiones aliquas Alpibus suppositas; quia neque in Boream, neque in Austrum nimium procurrat, sed eo in aspectu cæli, seu climate constituta est, vt summam exigat temperiem. Quòd si paulò calidior debeat esse ob Apenninum radios Solares reflectentem, vaporibus temperatur qui ex mari circumposito existunt. Egregiè quoque rigua est, quoniam Alpes & Apenninus ei aquas ex omni parte sufficiunt.



PECORIS quia hîc pascuorum magna vis non est, idè improbum vellus, & caro insipida; adde quod animalia hîc peruicaciùs sub Sole durant, sic *Barclæus*.

FRUMENTI plurimum sufficiunt Tuscia, Campania Italia, Marchia Taruifana: daret & Campania Romana si labor indigenarum terræ fertilitati responderet. Io. Barclæus contendit vberitatem vix tribus annis in Italia perdurare, & penuriam passuras illas gentes nisi vigeret in his locis sobrietas.

OLEVM Genuense, Tuscum, Campanum, Bariense, Hydruntinum celebratur.

VINVM laudatur *Græcum* in Ænariâ Insulâ, seu Ischiâ, & Vesuuiio monte; *Candidum* ad montem Flasconem: *Neapolitanum*, *Salernitanum*, *Sanseuerinum*, *Genuense* sunt vbique in precio.

METALLA. *Aurum* sufficere possunt Campania, & Tuscia: *Ferrum* Agri Cadorinus, Bellunensis, Brixianus, Montisferrati, Illua Insula. *Alumen* ager Volaterranus in Tusciâ; *Sulphur* vtraque Campania: *Hydrargyrum* Foroiulienfis ager.

Denique *Marmor* exquisitum ad Carreram effoditur vulgò Genuense dictum, cui non decedit *Tiburtinus* lapis, vulgò *le Trauertin*, itèmq; *Isticus*. In Etruriâ effoditur *Iaspis*: in Calabriâ *Berilli*, *Achates*, & aliæ gemmæ. Leguntur ad oram Genuensem *Corallia*, in Alpibus *Cristallus* inuenitur.

§. 4. De moribus Italorum.

ITALI diem ciuilem auspiciantur à Sole cadente, ex quo horam primam numerant vsque ad 24. Itaque in Æquinoctio quando apud nos hora sexta increpat, apud eos pulsatur prima. Multa de his dicuntur quæ videntur esse potiùs conuicia, quàm obseruationes. Hæc accipe ex Io. Barclæo cap. 6. eius libri, qui inscribitur Icon animorum. *Is gentibus*, inquit, *animus omnium rerum capax, neque pingui impetu, & tantum ad nature imperium, sed eruditè, & cum artificio virtutes, aut vitia sequuntur. Prolixè benevolentia indulgent, & ubi verè amant omnia discrimina habent infra hanc humani fœderis sanctitatem. Alitè memoriam offense recondunt, & lesi interdum ad obsequia descendunt, vt inter amicitie iura tutiori iure grassentur. Ac quod noxiosissimum putes, nonnumquam animus tam facilis est ad vulnus, quàm pertinax ad cicatricem. Nutus omnes, oculos, verba in argumenta*